



Brev dato: 25-08-2021
Sagsnr. 2021 - 14681
Akt. nr. 17599917

Inatsisartuni Ilaasortaq
Mariia Simonsen,
Inuit Ataqaatigiit

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

FN-ip silap pissusaat allanngoriartorneranut atatillugu nalunaarusiaa nutaaq pillugu § 37 aallaavigalugu apeqqummut nr. 111-mut akissuteqaat

Asasara Mariia Simonsen

Inatsisartut suleriaasiat § 37 imm. 1 aallaavigalugu FN-ip silap pissusaat allanngoriartorneranut atatillugu nalunaarusiaa nutaaq pillugu Naalakkersuisunut apeqquteqarputit. Apeqquteqaatigisatit akissuteqaatinnut innersuuppakka.

Akissuteqaateqarnermi Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit ilassutissanik pissarsiniartoqarpoq.

Apeqqut 1:

FN-ip silap allanngoriartornera pillugu nalunaarusiarsuani saqqummersinneqaqqammersumi inerniliunneqartunut Naalakkersuisut qanoq isummer-sorpat?

Akissuteqaat:

Nalunaarusiaq atuarlugu imaannaanngitsuvoq, annertuumillu ernummateqarnissamut pissusissaqartitsilluni. Pisut ilungersunartuusut nalunaarusiap naqissuserpaa, ilaatigullu Issittumut sunniutissai tassani eqqarsaatigalugit, taamaattumillu nunarsuarmioqatigiit ili-uuseqarnerata malunnaatilimmik maannakkut sukkatsisinneqarnissaa pisariaqartinneqarpoq. Silap pissusaata allanngoriartorneranut atatillugu nalunaarusiaa saqqummersinneqaqqammersoq Naalakkersuisunit tusaatissatut tiguarput.

Spørgsmål 2:

Silap allanngoriartornera siulittuutigineqartoq Kalaallit Nunaannut qanoq kinguneqassava?

Akissuteqaat:

Silaannaap allanngoriartornera assigiinngitsutigut Kalaallit Nunaannut kinguneqarsinnaavoq, assersuutigalugu silaannaap allanngoriartorneratigut imaq kissarnerulis-saaq, imaata sikui annikinnerulissapput, nuna qeriuannartoq sunnerneqassaaq, sial-lertarnera nittaattarneralu allanngussaaq, uumassusillit sunnerneqassapput (uumasut naasullu), sermersuup aakkiartornera annertusissaaq il.il.

Apequt 3:

CO2-mik nunatsinni aniatitsineq millisarniarlugu Naalakkersuisut qanoq ili-uuseqarpat/iliuuseqassamaarpat?

Akissuteqaat:

Piujartitsinissamik avatangiisinullu mingutsitsinnginnerusumik atuinissamut siuarsaanisamut Naalakkersuisut ukkatarinnipput. Suliniutit aalajangersimasut oqaatigissagaanni ilaatigut makku taaneqarsinnaapput, kulbrintinik misissueqqaarnissanut akuersissutit nu-taat tamarmik Naalakkersuisunit unitsinneqarput, nukissiuutinillu ataavartunik mingutsitsinnginnerusunik pilersuinerunissaq Naalakkersuisunit annertusarniarneqarpoq. Inatsisartut ukiaanerani ataatsimiinnissaanni Aasianni Qasigianguanilu erngup nuk-inganik innaallagissiorfiliornissaq aammalu Nuummi erngup nukinganik innaallagissiorfik allisarnissaa Naalakkersuisunit inatsisissatut siunnersuutissatut saqqummiutissavaat. Aammattaaq Kalaallit Nunaanni erngup nukinganik innaallagissiorfiusinnaasut nunarsuar-mioqatigiinnut, nukissiutinik akikitsunik mingutsitsinngitsunillu pisariaqartitsisunut Naalakkersuisunit nittarsaanneqassaaq.

Tamatumalu saniatigut nunat mingutsitsinermik aniatitsinerata apparsarniarnerani sulini-utinik allanik aallartisaasoqarnissaa Naalakkersuisunit nalilerneqassaaq.

Apequteqaat 4:

Parisimi isumaqatigiisummut Kalaallit Nunaata ilanngunnissaa qaqugu pis-sasoq Naalakkersuisut naatsorsuutigaat?

Akissuteqaat:

Kalaallit Nunaat Parisimi isumaqatigiisummut qaqugu ilanngutissanersoq ilanngutissan-ersorlu Naalakkersuisunit suli inaarutaasumik isummerfigineqanngilaq. Parisimut isu-maqatigiisummut ilanngutissagutta kingunerisinnaasaat pillugit nalilersuineq Naalakker-suisut aallartereerpaat.

Spørgsmål 5:

Apequt pillugu Naalakkersuisut soqutiginarsinnaasunik allanik paasis-sutissaateqarpat?

Akissuteqaat:

Naalakkersuisunit paasissutissanik allanik ilanngussassaqaanngilavut.

Inussiarnersumik inuulluaqqusillunga
Med venlig hilsen


Pefe Brøberg